



Ulbrica Spes, totus quam supplex or-  
bis adorat,  
Eheu, quam fallax est tua sæpe  
fides!

Expertus loquor hæc, expertis credere fas est:  
Quos referam, reddent verba probata, doli.  
Sensimus immensos per tempora longa dolores,  
Assiduus trivit pectora nostra pavor.  
Atra polum nubes tenebrosis abdidit umbris,  
Consimiles noctis vidimus ire dies.  
Horrissono strepitu coecis effusus ab antris  
Per saltus boreas funera mille dedit.  
Nec rapido tantum dispersa mapalia flatu  
Diruit, in Regum sæviit ille domos.  
Heu mihi! quam trucibus micuerunt fulmina  
flammis,  
Quantus ab æthereo decidit axe fragor.  
Intensi graviter lugent sua vulnera montes  
Glandiferæ quercus culmina tacta gemunt.  
Horrea divitiis auctumni plena, coruscis  
Ignibus in cineres multa redacta jacent.  
Tandem cessit hiems, tempestatumque furores  
Nunc penitus vires evomere suas.  
Horrea non fumant, stat celso vertice quercus,  
Non trepidant montes, fulmina nulla cadunt.  
Non furit iratus boreas, sua lumina toto  
Circumfert Phoebus jam, velut ante, polo.  
Continuo mihi, Spes, dixisti: projice curas,  
Nunc diris vis est omnis adempta malis.

Consum-